

- temporalem, & opera quæ gesserit in tempore, iudicium à deo uel in uitâ uel in mor-  
 tem recipiet immutabile & æternum: quod & per Matthæum subdit dominus, di-  
 164 " cens. ¶ Filius enim hominis uerturus est in gloria patris sui cum angelis suis, & tunc  
 " reddet unicuique secundum opera eius. Amen dico uobis, sunt quidam de hic stantibus,  
 " qui non gustabunt mortem, donec uideant filium hominis uenientem in regno suo.  
 ¶ De aduentu domini uniuersali, prior particula indubie intelligit, propterea quod  
 ei subiungitur, Et tunc reddet unicuique secundum opera eius: quod proculdubio fiet  
 in nouissimo die. Et posteriorē particulā, Amē dico uobis, sunt quidam de hic stantibus,  
 qui non gustabunt mortem, donec uideant filium hominis uenientem in regno suo:  
 etiam ex consequentiā sermonis de eodem aduentu nonnulli intelligunt: quod & in  
 1047. 21. Ioanne Euangelista impletum uolunt: sumpta ex alio loco coniectura, ubi apud Ioan-  
 nem interroganti Petro de exitu Ioannis, respondit dominus: Sic eum uolo manere  
 donec ueniam, quid ad te? ubi & si aperte non dixit, nolo ut moriatur, donec in nouis-  
 simo die ueniam: intellexerunt nihilominus discipuli eum uoluisse ipsum in secundum  
 aduentum suum uiuum manere: quod & multi posteriorum intellexerunt. Ad hoc etiā  
 facit, quod nusquam gentium κατὰ λείψματα corporis eius, ut & cæterorum apostolo-  
 rum esse feruntur. Sunt etiam & qui istam posteriorem particulam de uisione domi-  
 ni in transfiguratione intelligi uolunt: sed id coactius, propterea quod dicit, donec ui-  
 deant filium hominis uenientem in regno suo: iam enim primo aduentu uenerat, ut de  
 alio aduentu uideri possit locutus. Primam intelligentiam in disceptatione de tri-  
 duo CHRISTI secutus sum. Verum siue de nouissimo aduentu eius, siue de eo quo  
 gloriose apparuit in monte sancto quispiam intelligere malit, haud admodum refra-  
 gabor: quia utcumque sit, sermo domini uerissimus est: & aut iam impletus, aut uerissi-  
 2. Petr. 1. mē implendus. Ipse faxit, qui iam gloriosus apparuit (dicente Petro) uoce delapsa ad  
 eū huiusmodi à magnifica gloria: Hic est filius meus dilectus, in quo mihi bene com-  
 placui, ipsum audite: & qui uenturus est in gloria cum angelis suis: ut sic eum audire  
 in hoc mundo possimus, ut in secundo aduentu ad dexteram suam locati, audire ualea-  
 mus: Venite benedicti patris mei, possidete paratum uobis regnum à constitutione  
 mundi: ipsi & patri, & utriusque spiritui, laudem & gloriam, & incomprehensibilis bo-  
 nitatis eius confessionem reddituri in secula seculorum. Amen.

## CAPVT DECIMVM SEPTIMVM.

- 165 **H**T post dies sex assumpsit IESVS Petrum, & Iacobum, &  
 Ioannem fratrem eius, & ducit illos in montem excelsum  
 seorsum, & transfiguratus est ante eos. Et resplenduit faci-  
 es eius sicut sol: uestimenta autem eius facta sunt alba, si-  
 cut nix. Et ecce apparuerunt illis Moyses & Elias cum eo  
 loquentes. Respondens autem Petrus, dixit ad IESVM: Domine, bo-  
 num est nos hic esse: si uis, faciamus hic tria tabernacula: tibi unum, Moysi  
 unum, & Eliæ unum. Adhuc eo loquente, ecce nubes lucida obumbravit  
 eos. Et ecce uox de nube, dicens: Hic est filius meus dilectus, in quo mihi  
 bene complacui, ipsum audite. Et audientes discipuli, ceciderunt in faciem  
 suam, & timuerunt ualde. Et accessit IESVS, & tetigit eos, dixitque eis: Sur-  
 gite, & nolite timere. Leuantes autem oculos suos, neminē uiderunt, nisi so-  
 lum IESVM. ¶ Et descendit illis de monte, præcepit IESVS, dicēs:  
 166 Nemini dixeritis uisionem, donec filius hominis à mortuis resurgat. ¶ Et  
 167 interrogauerunt

15 interrogauerunt eum discipuli, dicentes: Quid ergo Scribæ dicunt, quod Eliam oporteat primum uenire? At ille respondens, ait eis: Elias quidem uenturus est, & restituet omnia. Dico autem uobis, quia Elias iam uenit, & non cognouerunt eum, sed fecerunt in eo quæcunque uoluerunt. Sic & filius hominis passurus est ab eis. ¶ Tunc intellexerunt discipuli quia de Io- 168  
 20 anne Baptista dixisset eis. Et cum uenisset ad turbã, accessit ad eum homo genibus prouolutus ante eum, dicens: Domine, miserere filio meo, quia lunaticus est, & male patitur: nam sæpe cadit in ignem, & crebro in aquã. Et obtuli eum discipulis tuis, & non potuerunt curare eum. Respondens autẽ IESVS, ait: O generatio incredula & peruersa, quousq; ero uobiscũ? usq; 25  
 25 quo patiar uos? Afferte huc illum ad me. Et increpauit illum IESVS, & exiit ab eo dæmonium, & curatus est puer ex illa hora. Tunc accesserunt discipuli ad IESVM secretò, & dixerunt: Quare nos non potuimus eiicere illum? Dixit illis IESVS: Propter incredulitatem uestram. ¶ Amẽ quippe 169  
 dico uobis, si habueritis fidẽ sicut granum sinapis, dicetis mōti huic, transi hinc, & trãsibit: & nihil impossibile erit uobis. Hoc autem genus non eiicitur, nisi per orationẽ & ieiunium. ¶ Conuersantibus autem eis in Galilæa, 170  
 30 dixit illis IESVS: Filius hominis tradendus est in manus hominum, & occident eum, & tertia die resurget. Et contristati sunt uehemẽter. ¶ Et cum 171  
 35 uenissent Capharnaum, accesserunt, qui didrachmam accipiebant, ad Petrum, & dixerunt ei: Magister uester non soluit didrachmam? Ait: Etiam. Et cum intrasset in domũ, prauenit eum IESVS, dicẽs: Quid tibi uidetur Simõ? Reges terræ à quibus accipiunt tributum uel cẽsum, à filiis suis, an ab alienis? Et ille dixit: Ab alienis. Dixit illi IESVS: Ergo liberi sunt filii. Ut autem non scandalizemus eos, uade ad mare, & mitte hamum, & eum 40  
 40 piscem, qui primus ascenderit, tolle: & aperto ore eius, inuenies statẽrem, illum sumens, da eis pro me & te.

ANNOTATIONES BREUES XXVI. CIRCA LITERAM CAP. XVII

1	Assumpsit ἤλαμβάνει	illis	αὐτῶν
	præfens	15 discipuli	ei
2	ducit ἀναφέρει	* αὐτῶν	20 cum uenisset ἐλθόντων αὐτῶν
	furfum ducit, subducit	eius	plurale
	5 nix ὄψως	16 At ille ὁ δὲ ἰησοῦς	21 genibus prouolutus γονυπετῶν αὐτοῦ
	lux	IESVS autem	genua flectens ei
5	apparuerunt ὤφθησαν	17 uenturus est * πρῶτον	23 obtuli προσένεγκαμ
	uisi sunt	prius	plurale tertiæ
13	præcepit * αὐτοῖς	17 uenit ἦλθεν	24 peruersa, διεστραμμένη
		præteritum	distorta
		18 in eo	25 illum,

	illud	29	transi hinc,	35	soluē
	ut subaudiatur dæmo-		* εκει		τελει
27	secretò (nium.		illuc		præsens
	καὶ ἰδιῶς	30	eijcitur,	37	tributum
	seorsum		ἐκπορευέται		τὰ τέλη
28	illum:		egreditur		plurale
	αὐτό	34	didrachmam	38	Et ille dixit.
	neutrum		τὰ διδραχμα		λέγει αὐτῷ ὁ πέτρος
28	illum:		plurale		Dicit ei Petrus.
	* ὁ δὲ ἰσοῶς		& infra.	40	statèrem
	IESVS autem	35	dixerunt — ei.		σταίψα

COMMENTARIUS IN CAPVT DECIMVM SEPTIMVM.

165



Voniã dominus pauloante locutus fuerat de gloria sua, Filius (inquit) hominis uenturus est in gloria patris sui cū angelis suis: mox suæ gloriæ specimē tribus electis apostolis, Petro, Iacobo, & Ioãni in montem excelsum seorsum abductis, demonstrauit: ut subdit Matthæus, inquiens. ¶ Et post dies sex assumpsit IESVS Petrum, & Iacobum, & Ioannem fratrem eius, & duxit illos in montem excelsum seorsum, & transfiguratus est ante eos. Et resplenduit facies eius sicut sol: uestimenta autem eius facta sunt alba sicut nix. Et ecce apparuerunt illis Moyses & Eliã cum eo loquentes. Respondēs autē Petrus, dixit ad IESVM: Domine, bonum est nos hic esse: si uis, faciamus hic tria tabernacula: tibi unum, Moyfi unum, & Eliã unum. Adhuc eo loquente, ecce nubes lucida obūbrauit eos. Et ecce uox de nube, dicens: Hic est filius meus dilectus, in quo mihi bene complacui, ipsum audite. Et audiētes discipuli, ceciderunt in faciem suam, & timuerūt ualde. Et accessit IESVS, & tetigit eos, dixitq; eis: Surgite, & nolite time re. Leuantes autē oculos suos, neminem uiderunt, nisi solum IESVM. ¶ Hæc est gloriōsa transformatio saluatoris. Facies euullit sicut sol. uestimenta eius facta sunt candida, uelut nix: siue ut hic Græce habetur, ὡς ὁ φῶς, instar lucis, hoc est candorem lucidum præ se ferentia: quod etiam ex Marco & Luca satis deprehenditur. Moyses & Elias uisi sunt cum illo colloquentes, & ijdem (iuxta Lucam) in maiestate uisi, dicebāt excelsum eius, quem completurus erat in Hierusalē. Adeò nouitate spectaculi rapti sunt discipuli, ut Petrus in hæc uerba proruperit: Domine, bonum est nos hic esse: si uis, faciamus hic tria tabernacula: figamus hic tria tentoria, tibi unum, Moyfi unum, & Eliã unū. neq; de cibo aut potu, neq; de ulla alia necessitate quicq; cogitās: quinimmo magnifica illa uisionis gloria adeò expauefacti sunt, ut (ex Marco & Luca) cū Petrus hæc loqueretur, nesciret quid diceret: hac sua transfiguratione præmonstante domino, quanta futura sit eorum felicitas, qui gloriã eius in ueritate uidebunt: cum umbra gloriæ eius in mortali adhuc corpore sic discipulos eius extra se rapuerit. Moyses & Eliã figurabant legem & prophetas, quæ gloriã CHRISTI testificantur: & ideo cum illo apparuerunt in gloria. Adhuc loquente Petro, ecce nubes lucida obumbravit eos, Hæc est diuinæ caliginis, quam inhabitat deus, uestigium: quæ lux est inacces sibilis, quæ omnes sanctos immensitate sua obumbrat, & nimietate ac incōprehensibilitate claritatis suæ, cæterorum oculos hebetat, perstringit, excæcat. Sed hæc hebetatio acutie melior, hæc perstringitio dilatatiōe capacior, hæc excæcatio uisione felicior. Nō ergo hæc in sanctis dicūt defectū, sed ex plenitudine oīa felicitate, diuinitatis excelsum, ut sit in oibus felicitas oī felicitate, quæ dici aut apphēdi possit, maior. Et uox patris audita est cōtestantis, CHRISTVM esse filiū suū charissimū, At discipuli maiestatem supersplendidæ

Mar. 9.  
Luc. 9.

superplēdidæ caliginis, & uocis supereximiæ, quæ de illa egrediebatur, sustinere nõ  
 ualentes, timuerunt, & ceciderunt in faciem suam. Et hæc omnia argumēta sunt ue-  
 ræ gloriæ beatorum, quam sustinebunt in uisione filij dei, transformata assumpta hu-  
 mana natura in gloria, non in monte terreno, sed in cœlorū sublimitate, quæ per mon-  
 tem figurabatur, & in maiestate sanctorum omnium, & in nuda diuinitate: quæ quan-  
 tūcūq; à creatura apprehensa sit, semper manet inapprehensa: quod indicant facies  
 fulgida ut sol, uestimenta candida uelut nix, & splēdida ut lux, & nubes lucida obum-  
 brans illos, & perstringens oculos discipulorum. Quod aut̄ timentes ceciderunt disci-  
 puli, hoc est summa sanctorum in defectu comprehendendæ diuinitatis reuerentia.  
 Quos omnes tactus IESV exuscitat, & in eis nouas reparat uires: quod mysteriū hic  
 factum ostendit. Et leuantes (inquit Euangelista) oculos suos, neminem uiderunt, nisi  
 si solum IESVM. Finito autem diuino spectaculo, ad humana redijt dominus, & eos  
 amplius de mysterijs instruxit: ut nobis hic aperit Matthæus, dicens. ¶ Et descenden- 166  
 tibus illis de mōte, præcepit IESVS, dicēs: Nemini dixeritis uisionem, donec filius ho-  
 minis à mortuis relurgat. ¶ Facta resurrectionis gloria, futura erat credibilior magni-  
 fica illa uisio, & gloriæ beatorū quodāmodo prælibatio. Adhæc diuina eò tēpore po-  
 tissimum narranda sunt, quo maxime prōsunt, & facillime recipiūtur. Nec ab re domi-  
 nus uetuisse uidef, ne uisionē narrarēt, donec ipse resurrexisset à mortuis: ne quis scilicet  
 audita illa ante resurrectionē, incredulitate læderet: qui alioqui si primū post resur-  
 rectionē id ipsum audiret, magna consolatione & fide iuuaretur, pariter & spe ad glo-  
 riam beatorū erigeret. Deinde discipuli, quia eorū cordibus infusum fuerat illic fuisse  
 Eliam, interrogant eum de Elia: quod subdit Matthæus, dicēs. ¶ Et interrogauerūt 167  
 eū discipuli, dicentes: Quid ergo Scribæ dicunt, quod Eliam oporteat primū uenire?  
 At ille respondens, ait eis: Elias quidem uenturus est, & restituet omnia. Dico aut̄ uo-  
 bis quia Elias iam uēnit, & non cognouerunt eū, sed fecerūt in eo quæcūq; uoluerūt.  
 Sic & filius hominis passurus est ab eis. ¶ Quod dominus interrogatiōi discipulorū  
 subiūgit, sic Grace habetur, ἡλίας μὲρ ἔρχεται πρῶτον, ἢ ἀποκαταστήσει πάντα, Elias quidē  
 ueniet prius, & restituet omnia. Quasi diceret: Sic scriptū aut dictū est, quod Elias ue-  
 niet prius, & restituet omnia, uerum prophetia de Elia iam adimpleta est, & Elias iam  
 uenit, & omnia restituit quæ per ipsum erant restituenda. Quod de Ioāne intelligen-  
 dum est, qui iam CHRISTVM dominū, Mesiam monstrauerat, baptizauerat, relique-  
 rat post se iam in spiritu sancto baptizantem, & regnum largientem æternum, termi-  
 nauerat ueterem legem, & præparauerat nouā, sicut de ipso scriptum erat in Esaiā:  
 Vox clamantis in deserto, parate uiam dominī, rectas facite in solitudine semitas dei  
 nostri. Et Malachia: Ecce ego mittam angelum meum, & præparabit uiam ante faciē  
 meam. Et paulo post: Ecce ego mittam uobis Eliam prophetam, ante quā ueniat dies  
 dominī magnus & horribilis, & conuertet cor patrum ad filios, & cor filiorū ad pa-  
 tres eorum, ne forte ueniam, & percutiam terram anathemate. Quod etiam de Ioan-  
 ne intelligitur, & de uastatione, quæ per Vespasianum & Titum est inducta, ut iam  
 quoq; supra dictum est. Et proinde quod in Marco sic habetur, ἡλίας μὲρ ἔλθωρ πρῶ-  
 τος ἀποκαθιστῆσει πάντα, sic uertendum est, Elias quidē ubi uenerit prius, restituet omnia:  
 nam qnamuis ἀποκαθιστῆσει sit præsentis temporis, per futurum tamē explicandum est,  
 sicut & illud ἔρχεται: nam & id ἀποκαταστήσει, quod hic illi respondet in Matthæo, futu-  
 ri temporis est: & insuper apud Hebræos sæpe præsens pro futuro ponitur, ut in illo  
 Malachiæ: Ecce ego mittam. quod Hebraice sic habetur, HINENI SOLEAH, Ecce  
 ego mitto. Et hoc quidē dictum, non est CHRISTI uenturum Eliam asserentis, sed  
 recitantis solum id quod de Elia quem expectabant uenturum, ferebatur. Quod au-  
 tem sequitur, Dico aut̄ uobis quod Elias iam uēnit, uerbū CHRISTI est illud iam pla-  
 nē asserētis, iudæi itaq; adhuc suum Eliam, & suum Mesiam expectent, nobis & uerus

Esai. 40.  
Malach. 3.

Soluit  
 ra  
 uelens  
 nbutum  
 ra rō  
 luralē  
 Et ille dixit  
 Et ait  
 Dicit ei Petrus  
 atērem  
 167  
 EPTINTA  
 oria sua, Filii  
 gelis suis mon-  
 do, & Ioāni in  
 subdit Matthæ-  
 um, & Iacobum  
 m, & transpō-  
 nem eius facti  
 quentes. Respo-  
 dit, faciamus  
 loquente, ecce  
 meus dilectus  
 lerunt in facie  
 surgit, & uoluit  
 s. v. m. Chæc est  
 ita euertit Iuda-  
 , hoc est cadere  
 rehendat. Non  
 maiestate uel  
 uitate spectati-  
 onum est nobis  
 unum. Multum  
 cō cogitatio  
 co & Luca dicit  
 præmonstrat  
 uidebuntur  
 se rapuerit. Ma-  
 i restituentur  
 ibes Iudæorum  
 m: quæ huius  
 etate ac incipit  
 cæcitas. Sed huius  
 ætatis uoluntate  
 itate, diuinitate  
 flic, minor. Erat  
 At discipuli  
 superstitia

Elías, & uerus Messias uenit: ille, fuit Ioannes Baptista: iste, CHRISTVS dominus super omnia benedictus, quod nimirum aperte (ut dictum est) innuit dominus, cum subdit: Dico autem uobis, quia Elias iam uenit. Et quid est, Et non cognouerunt eum, nisi quod Iudaei non cognouerunt eum spiritu fuisse Eliam: In quo ostendit Scribas non intelligere quid dicerent, affirmantes oportere Eliam prius uenire: quia non ad spiritum, sed ad literam scripturas intelligebant. Et quid etiam, Sed fecerunt ei quaecumque uoluerunt, nisi quod ceperunt ipsum, & in uincula & carcerem coniecerunt eum, & tandem occiderunt: Quo modo CHRISTVS se passurum ab eis, praedixit: quod postea rei patefecit euentus. Quae cum dixisset, aperta est discipulis intelligentia, & intellexerunt responsum domini esse de Ioanne Baptista. Quod subdit Matthaeus, sic inquit. ¶ Tunc intellexerunt discipuli quia de Ioanne Baptista dixisset eis. Et cum uenisset ad turbam, accessit ad eum homo genibus prouolutus ante eum, dicens: Domine, miserere filio meo, quia lunaticus est, & male patitur. Nam saepe cadit in ignem, & crebro in aquam. Et obtuli eum discipulis tuis, & non potuerunt curare eum. Respondens autem IESVS, ait: O generatio incredula & peruersa, quousque ero uobiscum: usquequo patiar uos? Afferte huc illum ad me. Et increpauit illud IESVS, & exiit ab eo daemonium, & curatus est puer ex illa hora. Tunc accesserunt discipuli ad IESVM secretum, & dixerunt: Quare nos non potuimus eijcere illud? Dicit illis IESVS: Propter incredulitatem uestram. ¶ Cum igitur de Elia secundum spiritum prophetarum, non secundum literam, quae occidit, recte intellexissent discipuli, processit dominus ad turbam. Tunc accessit ad eum homo quidam genua flectens ante ipsum, & gratiam pro filio suo postulans, quem spiritus immundus misere afflictabat, & ceu mania & furore percitum (& hoc certis quibusdam lunae periodis, ut bona dei creatura infamaret, quasi à luna is morbus penderet: unde & lunatici nomen accepit, cuius tamen ille in causa erat) quandoque praecipitabat in ignem, saepe in aquam: tanta est hostis nostri malignitas. Nec illum rogati discipuli curare potuerant. In quo tam patrem pueri, quam discipulos ipsos paruae fidei arguit dominus: & non solum patrem, sed & nationem ipsam Iudaicam, cum eam uocat generationem incredulam, & peruersam, distortam. Et cum dominus adijcit, quousque ero uobiscum: usquequo patiar uos: ostendit nihil aequae sibi male gratum esse atque incredulitatem: id est fidei paucitatem, defectumque: & quando quis à fide deficit, tunc eum incuruatum, distortumque effici. Sed & discipulos in hac increpatione comprehendi, manifestat: cum ipsis interrogantibus quare non potuerint eijcere daemonium illud, respondit: Propter incredulitatem uestram. Ergo quod illi maxime placet, est fides, & recta credulitas cum plena fiducia: & qui uere credunt, eos libenter fert, & cum eis habitat: alios autem & cum alijs nequaquam. At quares, quid est quod in codicibus latinis dicitur, Et increpauit illum IESVS: & postea, Quare non potuimus eijcere illum: nunquid dominus increpauit illum puerum, aut discipuli quaerunt cur non potuerint eijcere puerum? Minime: sed dominus increpauit daemonium, & discipuli sciscitabantur quare non potuerant eijcere daemonium. Quo fit, ut utrobique dicendum fuerit, illud, non illum, sicque uertendum utrunque, *αὐτὸν καὶ αὐτό*, uerum ergo id fuit interpretis latini. Adhuc, cum daemonia eijciuntur, increpantur non personae quae obsidentur, sed daemonia: ut & de puero patet, de quo hic agitur, dicente Luca: Et increpauit IESVS spiritum immundum, & sanauit puerum. Vnde manifestius adhuc apparet dicendum, Et increpauit illud IESVS, & exiit ab eo daemonium: non, Et increpauit illum. Porro dominus praesente turba sanauit lunaticum, ut eam fide firmaret. Increpatione domini, monstrauit auctoritatem pariter & potestatem. Lunaticus, quosnam alios quam incredulos signat: quos diabolus ut uult praecipites dat, & eorum animas uarie distortet, nunc concupiscentiarum igne adurendo, nunc aqua uitae impurioris suffocando. Mox transit dominus, testante Matthaeo, ad fidei potentiam discipulis aperiendam, dicens. ¶ Amen

Luc. 9.

**¶** **C**Amē quippe dico uobis: Si habueritis fidē sicut granū sinapis, dicetis monti huic: 169  
 transi hinc, & transibit: & nihil impossibile erit uobis. Hoc autem genus non eijcitur  
 nisi per orationē & ieiuniū. **¶** Fides quam dominus requirebat, erat fides in ipsum, si  
 des in solum deum: quādoquidem ipse deus erat, qui nihil non poterat: alioqui fides  
 alia, superstitio esse potest: in **CHRISTVM** autem non potest, sed sit sincera oportet,  
 & efficax, ut granum sinapis, quod adeo sincerum & efficax est, ut cum sit inter olerū  
 grana quantitate minimum, est tamen uirtute potentissimum, ramorum magnitudi-  
 ne amplissimum, & foeturā numerositate copiosissimum, sincera est fides, quam Iacob. 1.  
 bus sine hæsitatiōe, sed cum plenissima fiducia esse uult, & quam dat deus: & adeo ef-  
 ficax, ut à deo, cui fidit, obtineat effectum: & eum quidem admirabilem, stupendū, &  
 planē supra naturā. Virtus enim fidei uis est diuina inoperans: quæ sic uiuæ fidei im-  
 manet, ut lux in uisione, ut ignis in ferro cādente: ut enim ignis in ferro cādente, sic in  
 illa fide inoperatur deus, fides, ferrum: deus, ignis inoperans. Et ideo huiusmodi fidē  
 habenti nihil est impossibile: quādoquidem deo impossibile est nihil. Quare si quis ea  
 fide dicat monti ut transeat, trāsibit. Per mōtem illum dæmoniū eiectum intelligo, sic  
 à domino nuncupatum ob ipsius mouendi, extrudendiq; difficultatem. Cui si ea fide  
 præcepissent discipuli ut transisset, transisset indubie. Quod alioqui secūdam quod à  
 deo hominibus ordinatū erat, non eijciebat nisi oratione & ieiunio. Habebant enim  
 Hebræi ex ueteri lege quasdam obseruatiōes eijciendorum spirituum, quibus etiam  
 (ut memoria proditum est) ad tempora usq; Adriani utebantur. In noua autem lege  
 noua fuit ordinatio, ut in fide **IESV** omnes potenter eijcerentur. Quanquam etiam  
 de materiali monte dictum domini intelligi posse non negem, dicente Paulo ad **Co-** 1. Corin. 13.  
**rinthios:** Et si habuero omnem fidem, ita ut mōtes transferam. Quid enim nisi mon-  
 tes hic intelligit materiales? Insuper & id fide factum legi in quadam historia Tartaro-  
 rum, in qua sic habetur: Iuxta Baldacem, mons uirtute diuina translatus est oratio-  
 ne cuiusdam sancti uiri, cum improperarent Tartari Christianis id euāgelij: Si habue-  
 ritis fidem sicut granum sinapis, dicetis monti huic, trāsī hinc, & transibit: & nihil im-  
 possibile erit uobis. Sed & Eusebius historiæ ecclesiasticæ libro septimo, simile factū  
 fide cuiusdam sancti uiri Gregorij Asiatici narrat. Ille (inquit) fide plenus pernoctasse  
 in oratione dicitur, & dominum **IESVM** promissionis suæ admonuisse fidenter, qua  
 dicit: Si habueritis fidem sicut granum sinapis, dicetis monti huic, tollere, & mittere  
 in mare: & fiet utique. cumq; hoc fide plena ac deuotiōe deposceret, ad lucem cōeun-  
 tibus populis inuenta est rupes importuna secessisse tantum, quantum spacij ad con-  
 dendam quærebatur ecclesiam. Hæc ibi Eusebius. At cum de fide sic instruxisset di-  
 scipulos, & esset in Galilæa antequam ascenderet in Hierusalem, passurus innouauit  
 eis passionis suæ memoriā. Quod hoc modo testatur Matthæus, dicens. **¶** Cōuer- 170  
 santibus autem eis in Galilæa, dixit illis **IESVS:** Filius hominis tradēdus est in manus  
 hominum, & occident eum, & tertia die resurget. Et contristati sunt uehementer.  
**¶** Quod contristati sunt uehementer discipuli, argumentum erat magni & immodi-  
 ci erga dominum amoris. At dominus adijciebat, tertia die resurget, ut adaugeret  
 eis fidem, & ex fidei certitudine reciperent cōsolationem. Verum prædictio illa mor-  
 tis magis eos affligebat, quàm resurrectionis spes consolaretur, cuius oppositum  
 esse debebat, cum prius audissent dominum dicentem Petro: Non sapis ea quæ dei  
 sunt, sed quæ hominū, cum Petrus nollet eum mori. Quod si etiam transitus & igno-  
 minia mortis trium dierum eos mœrore afficere potuit: multo magis gloriosissima re-  
 surrectio, non temporalis, sed æterna debuit cōsolari. si trinocinium tristitiam inuexit,  
 multo magis sempiterna dies oblectare debuit. sed in ipsis adhuc quadātenus p̄uale-  
 bat caro, nec plenissime dominabat̄ spiritus. His dictis, dominus uenit Capharnaū se-  
 cus mare, qd̄ dicitur Tiberiadis, ubi & soluit didrachmū; ut prodit Matthæus, dicēs.

Iacob. 1.

1. Corin. 13.

170

Matth. 6.

¶ Et cum uenissent Capharnaum, accesserunt qui didrachma accipiebant, ad Petrum, & dixerunt ei: Magister uester non soluit didrachma? Ait: Etiam. Et cum intrasset in domum, praeuenit eum IESVS, dicens: Quid tibi uidetur Simon? Reges terrae à quibus accipiunt tributum, uel censum: à filiis suis, an ab alienis? Et ille dixit: Ab alienis. Dixit illi IESVS: Ergo liberi sunt filij. Ut autem non scandalizemus eos, uade ad mare, & mitte hamum, & eum piscem qui primus ascenderit, tolle: & aperto ore eius, inuenies statèrem: illum sumens, da eis pro me & te. ¶ Qui exigebant didrachma, telonia erant, quos & publicanos & tributorum exactores nuncupamus. Didrachmum uero appellabatur nummus, duas argenti drachmas continens, qui à singulis exigebatur nomine Caesaris. Exactores itaque illi sciscitabantur à Petro: Magister uester soluit ne didrachma? quod perinde pollet ac si dicat: debet ne, aut uult ne magister uester soluere didrachma? tanquam multa pro domino & discipulis eius, non unum requirerent didrachmum. Quibus Petrus nondum interrogato domino, respondit sic, quasi uoluntatem domini sui cognosceret. Qui nihilominus didrachma soluit: sed non ut illi arbitrabatur, pro se & omnibus discipulis suis: sed duntaxat pro se & Petro. Dominus autem qui omnia sciebat, sicut Petrus praeuenerat eum respondendo, sic praeuenit Petrum interrogando: An reges terrae acciperent tributum, aut censum à filiis, an ab alienis? Cui Petrus respondit, Ab alienis. Mox probè conclusit dominus, Ergo filij, liberi sunt. Ex quo satis intelligebat ipsū neque pro se, neque pro discipulis, qui erant familiares eius, debere tributum. Sed nonne CHRISTVS, filius erat regis terreni? Quidni? Cur toties alioqui filius Dauid, insigniori etiā quam Salomon, nūcupatione appellaretur? Falsò ergo responderat Petrus, Etiam, si intelligebat, soluit ne magister uester, debet ne soluere? quia ex sententia saluatoris non debebat. Adde quod dominus non solum erat filius Dauid, sed etiam regis aeterni: & ipse quoque rex regum & dominus dominantium, quare multo minus ipse & familiares eius pendere debebant tributum, quam filij regum. Dedit igitur, non ut solueret debitum, sed ut aliorum tolleret scandalum: nobis relinquens exemplum, ut cum facere, aut non facere quippiam non sit malum, si alterum ingeneret alijs scandalum, id omnino uitandum esse. Cum ergo dominus uoluit dare tributum: id nos docere uoluit, nullum alijs dandum esse scandalum. Ergo cum Petrus telonis interrogantibus, Non soluit magister uester didrachma? respondit, Etiam: si intelligebat eos interrogare uelle, uult ne magister uester soluere didrachma, uerè respondit. at cum definire de aliena uoluntate antequam sciatur, sit praesumere, si nondum sciuit uoluntatem domini, in sua responsione praesumpsit. Atqui tum primum dominus suam uoluntatem aperire uidetur, cum ait: Vade ad mare, & mitte hamum: & eum piscem qui primus ascenderit, tolle: & aperto ore eius inuenies statèrem, illum sumens, da eis pro me & te. Petrus pecuniam pro tributo pendendo quaerens, it ad mare, sed non intrat nauem: non mittit retia, sed hamum, aperit os piscis, inuenit statèrem, qui nummus est tantidem ualens atque duo didrachma, qui & idem tetradrachmum dicitur. Mittitur ad mare, quia pecunia, uectigalia, census, tributa, & id genus alia, sunt huius mundi. Non intrat nauem, quia illa non spectat ad ecclesiam. Non mittit retia, quia retibus ecclesiae capiuntur homines: non quidem ut intereant, sed ut uiuant, non pecuniae. Quod hamus mittitur, aucupium designat. Quid piscis & os eius apertum, nisi auaritia barathrum, pecuniam mundi deglutiens: quam si quis habeat, etsi procul sit ab auaritia, retinere tamen non debet, sed ea protinus uti, ne sit, non modo alijs scandalo, sed & sibi ipsi. Faciat ergo nos dominus IESVS CHRISTVS ita uiuere, ut uerè liberi simus, & nulli tributum debeamus: omnia tamen propter ipsum libenter relinquamus, ne alijs unquam simus scandalo, aut nostra occasione peccent: sed nobiscum uerè filij coelestis patris, dent eidem per CHRISTVM dominum in spiritu sancto omnem laudem, gloriam & honorem in secula seculorum. Amen.